

龍游縣志

第七冊

龍游縣志卷十九

縣人 余紹宋

人物傳

傳一

清

人物傳三

祝登元 葉乘 余恂 兄忱 子勉 附徐復 陸長卿 姜載

董斌 翁新久 葉芳春 楊聖修 子翹 余學禮 弟叙功 錢鑑

徐允璠 曹緯 姜廷舉 余嵩 汪映模 范芝室

徐漳 子應宸 應宗 應家子 應祖 附錢基始 餘 余作梅

徐文熙 余兆年 汪岐品 袁嘉增 方上魁 童應復 族弟應實

祝占恆 尹國均 余華葉淳余大 徐振玉 徐崑 子金生

余習 尹子南 詹阿雙 劉秋才 余鑑 弟 從孫嗣曾

楊旭 孫清恩 徐承恩 子本元 曹壽先 葉錫元

姜懋槐

字松栢

子梓齡

徐東受

王夢龍

附在

附在

附在

余恩鏞

字顯樞

金經

孫士

慶

慶

慶

慶

葉華梧

字元

附

一

林巨倫

在

慶

祝聰田

傅珍秀承襲

徐復

弟

吳福星

傅元龍

子

文

附

余躍龍

葉泮林

子

吳毓林

徐光容

余暢

兄

附

祝登元字茹穹幼嗜學弱冠爲諸生崇禎十七年選貢平生淡於仕進又值世亂乃閉戶著書思以澤今傳後刻有鏡古編八十卷心醫集六卷入道始終四卷功醫合刻十二卷日用必需六卷靜功秘旨二卷字學考十四卷一時聲名藉甚清順治三年龍游旣入版圖於是庵府交薦聘爲浙閩參謀旋授延平府推官擢兵部主事授福建漳州府知府兼署監軍漳泉道政簡民安稱盛治焉復著有署閒詩稿六卷未幾解組歸田頗盡心地方之事嘗遊京師名公鉅卿爭相結納金之使楊廷鑑嚴我師諸人咸有贈答登元旣負盛名凡顯宦道經龍游必詢知縣以祝

先生安否云

據沐鹿麟說余以亭麟傳第○案傳中有云其教陳宗族也則鄉黨雖其剪除盜賊也則去疾務醫其濟困扶危也則揮金若土其辨

難辨紛也則善消水轉而且醫人跡虛屬相地並曾攝攝衆善懷柔彈拱如夷秋賦詩歷元白解功學純陽候無商則口如懸河作文舉則思倍造化云云情無事

實可證故不入傳登元才能鄉人多知之者亦無事實可舉○案康熙志無傳今補

葉渠

案此據康熙志建德縣志姓葉渠

宇文曉留心經世之學與修康熙志康熙十年大旱會上

知縣許瑄一書切中時弊其文曰今夫布衣之士豈樂以言聞於有位哉邑中非

有危急之事則不必言在上非有仁愛之長則不輕言即事所當言上可與言而

士亦既言之矣顧言之而或以迂鄙之末議無補大猷又或謂當事之深心自有

至計徒漠然輕置也亦可以不盡言何也言亦自有體也若今日者安得而不言

又安得而不盡言蓋龍邑荒災已甚待哺啼餓之聲日聞於耳而邑侯之忠信慈

惠又素孚乎衆志此曩者敢以一言進於左右也乃朝進書而夕拜命親承咨詢

深悉同患之懷有侯如此而言猶不盡當亦士之過矣雖然歲之饑也猶人之疾

也長人者之補救周卹猶醫人者之調劑護持也藥施於醫手方傳於古人士不

師古而徒以無稽之言進在上者亦安用此嘵嘵罔益爲哉考古來荒政大約有三三者雖何曰備曰救曰養備則於未荒之前救則於方荒之際養則於既荒之餘顧備之原非一朝一夕之圖養之當在既安既定之後此當預備於平時而非驟謀乎臨事者也況夫可備之時政柄未操宜養之日休息有待則所當爲賢侯盡言惟有救之之一策也不觀古今救荒者乎有申請未遑發粟以濟者矣有司牧自出粟米以爲粥食者矣有向富民勸分者矣抑或大興土木召募丁壯而用其人因以給之食也又或出金錢運穀食以行平糶而民饑獲濟也雖代不一人不一事而此致端其彰明較著者今欲擅發公帑則司農之執法可虞盡出私藏則廉吏之所入有限祇諫勸分則守錢惜費之輩未必肯爲仗義樂施之人且時詘難于舉嵐而土木何能興廟堂方議減餉而丁壯何可募金粟交荒資本奚出零星分散貿易誰人而平糶又何以得行然則斯民終不可救將坐視此一方之困乎而非也惟在有位者之誠心爲民耳誠心爲民則慮患既無不周而處事

自極其當非必一一泥古而遵之亦時或取法於古粥可煮也米亦可給曷虞全活之無方富可勸也商亦可通奚憂施濟之不廣凡所以救於方荒者有其具矣而復加撫養於小康之月謀預備於大有之年將古來荒政無不悉舉異日頌賢良能救荒者斷以吾侯爲稱首是龍邑固賴吾侯而獲全吾侯亦因荒災而愈著也用復纂輯前聞恭進披覽以聽採擇若夫米粥之宜分設者幾何處大戶之可勸募者幾何族富商之足委任者幾何人則在有位與實鄉紳之裁度區處矣蓋識近不謀遠位卑不及大雖盡言而究不敢妄言亦士之體然也

見康熙志  
○康熙志  
康熙志

無傳  
今補

贊曰今考康熙志選舉表無渠名而自稱布衣之士殆明末人而入清不仕者歟吾故特爲之傳文云朝進書而夕拜命親承咨詢則當日縣官之敬其人可知吾甚惜其學行之不傳也

余恂字孺子曰新次子生而穎敏異凡童年十五爲諸生名噪膠庠凡子史百家無

不畢覽每試輒冠軍

續藏志此下云是年有特典授明經何人故不采錄順

治八年舉浙江鄉試第一明年成進士授翰林院庶吉士凡闕試御試輒第一十一年散館授翰林院檢討是時世祖最重翰苑之臣常簡選五六人皆老成宿望恂資叙最後得與其選世祖察其樸誠寵眷尤渥十三年一歲三遷遂拜左春坊左諭德同僚以恂天懷坦白嘗戲呼爲天機子恂遂以自號有自傳見文獻世祖聞之亦忻然撫掌也恂雖被知遇然性純孝欲乞假歸省而是時尙靳侍臣予告之例每於宰執前涕泣陳請其語亦稍聞於上會十四年鄉試世祖諭知科場積弊以恂清慎命爲福建學政亦隱體侍臣孝思使得便道歸里也入闕後嚴絕私竇所取士多知名者是科考官多罹重譴惟閩闈無指摘事竣旋里年僅三十三遂引疾固辭未幾乞休恂素性淡於仕進嘗以出處之際比諸無心之雲倦還之鳥故自號岫雲亦曰還庵家居二十年於地方利弊悉心講求知無不言言無不盡當事以見諸施行如崇學校革弊俗蠲通賦籌荒政省徭役其有功於桑梓者甚大承

其父清儉之後自奉不異寒素然好施之懷老而彌篤族黨之中賴以舉火者數十家賑恤殆無虛日凡縣中喪序橋梁坡堰皆捐資興復生平爲人居家孝友待物仁慈特已謙和教訓子孫以敦厚退讓鄉論翕然康熙十三年耿精忠事起縣民皆逃散獨奮死不去至十五年以寇未靖憂憤得疾卒年五十二恂少時詩宗漢魏文法先秦通籍後則出入唐宋大家文師昌黎詩學少陵而間出於元白著有敦宿堂文集十卷燕吟南邊詩草一卷止庵手抄十二卷據分省人物考又爲知縣盧燦讓縣志十卷未觀成而卒詳見卷末書卽今康熙舊志是也志文不盡雅馴疑尙未經恂審訂然自萬歷壬子迄康熙癸丑六十年間縣中文獻賴以考徵焉祀鄉賢兄忱

忱字士元亦嗜學好古每刻陰程課至老年猶不懈淹貫經史百家言作爲詩文

沈雄高古天真爛然

康熙府志

尤善交結名流尤侗韓菼李漁諸人咸有贈答訪書至

其仁孝友愛則一門性習攸同人無間然待人接物愷悌慈祥接其言笑者皆如

坐春風中如飲醉不覺致醉也好施與告以急難輒傾心營助惟恐不及亦無德

康縣志

附志

色遠近皆敬愛之性喜營建曾築樓藏書甚富顏曰書種又於城西北隅築

鏡園穿池引流結構閑雅晚年優游其中賦詩爲樂有徐復者字赤城上虞人也

工於詩遭鼎革之變轉徙流離與忱恂至治遂移家於龍游爲龍游人

兩浙輶軒  
新錄通作

龍游人

與忱昆弟倡和詩最多具見所著旅吟稿

龍游縣志

恂長子勉字研公號易庵豪邁有大志善屬文千言立就康熙十一年拔貢入太  
學爲徐乾學所器重其明年秋精忠作亂李之芳以制府督師衢州勉條上濟時  
八策悉中肯綮備蒙採納人謂李之平閩亂其謀半出於勉云十八年詔舉博學  
宏辭之芳首薦勉勉以母老力辭再三至於涕泣始得請兵燹後流亡載道勉盡  
出家財賑濟所全民命至多而於地方利弊尤多建白當是時知縣屈燦銳意興  
革如修築北澤取清查田畝建文昌橋諸役勉皆力贊其成性尤友愛其幼弟庶  
母所出待之逾於同胞宗閭無不歎服所爲詩多宗漢魏文多法先秦晚年於城

南築別業曰宜園優游自適年六十一卒

據康熙府志並南卷詩教鄉閭補遺行狀纂輯○案康熙志僅有拘傳餘補

陸長卿字敘如佐之孫也少耽學神儀明秀不蔽外物甫冠爲文沈博絕麗登順治十八年進士授江華縣知縣江華苗民難處夙稱難治長卿撫治得宜苗民由是畏服會吳三桂作亂欲污以僞官長卿矢志不從投岸自盡家人亟救之已折傷左足竟以憂憤卒

據康熙志纂○康熙志人物傳止此以下新編

姜載字渭來號車公工於繪畫人物花鳥無不擅長於山水尤爲精良康熙志卷首

十二景圖即其手筆也

據康熙志卷首

董斌字天閔一號二允邑諸生

兩浙補遺

父漢臣字湘臣有義行曾以私財兩次修

築章家墩

子斌撰行狀見文徵

康熙十三年閩事起斌奉父母避居村落力田以供甘旨父

母病篤齋天請代雙目流血父患疾氣上湧不能臥斌抱持之如是者二年餘母

病久日夜調護凡五年不懈至於肢體骨立父母相繼卒廬墓三年雍正六年詔

旌純孝建坊於門

據浙江通志所采公舉事實並著式採編純孝通纂

翁新久佚其字邑諸生康熙十三年秋精忠作亂府縣男女被兵擄掠入閩者不計其數諸被難者乞還悉遭駁新久爲之顛求並詳列都圖里甲親屬鄰里始得請獲生還完衆者不下千人又當時有以藍旗領劄誣陷人者新久乃請用保結法得免死者亦甚衆又曾條陳本縣積弊十八款據舊採訪冊所載雖傳嘉惜原文文請當道禁革其後膳夫城工諸弊卒藉以革除云

葉芳春字奏熙號黔峯世居蒲塘村性剛方富謀畧爲諸生時知縣許珩嵐燦及余

恂咸推重之清初浙省有水師提督王某者性貪酷嘗以八棍斃人時因號王八

棍棍名快輒以舟載盜沿河調有富戶則縱盜入其家僞以兵爲追緝之狀以竊盜

治其罪籍其財以爲常罹其害者甚衆以次及於芳春家芳春見兵盜入門即設

計脫去憤甚赴省控諸當道得直並通令所屬嚴禁兵役擾民人咸服其義俠焉

康熙十年大旱芳春曾以已貲募飢民潄其村之蒲塘以代賑濟全活者亦不鮮

增豐乾  
傳第

楊聖脩字瑞芝號巽峯喜讀書尤喜讀易著有周易解義若干卷居恒韜精自藏不  
露圭角而喜急人之難康熙十三年之警人心惶惶居民遷避一空聖脩亦已他  
避然猶懼不免既而曰等死耳不得其正非丈夫也明日馳入城與盧知縣燦等  
商進勦之策復爲圖北鄉形勢定三路進勦方略不五日而寇難悉平所著尚有  
蝶園間筆若干卷

以上據澤遠里志  
蘇志及子淵所共行略纂輯 子昶

昶字光生康熙九年進士十九年選授廣東合浦縣知縣時寇亂初平百姓甫離  
湯火惻然以紓綏爲先務

蘇州府志

招徠休息井井有條設立鄉約使之勸誘其願耕

者免役願墾者給路費又值裁兵之際米價湧貴兵民洶洶起與孔守備

快其  
名 畫

夜巡邏不辭勞苦縣西歸德萬安二鄉萬山叢雜與廣西橫州興業貴縣鬱林等

處毗連盜匪出沒民不安其昶乃多方招徠設法措置設立保甲酌量捐給牛

種寬徵免役催科則設立限單不事追比其他如均糧米省雜派除夫徭修城堡

地方賴以安謐

以上事實據舊志  
鄉民朱德受等里老陳  
縣民鄭復國等數百人  
呈請

兩造盈庭片言可決置學田建義學即聯珠書院施藥餌瘵遺骸善政種種府志如是

者三年積勞成疾乞歸田里士民不忍其行合詞籲留任卒得請又三年乞歸丁

父喪不復仕訪合浦教諭陳徵綸學田碑陰有曰今以凋敝墮尾之民變而

爲平定安集之民弄兵潢池之民化而爲賣刀絃誦之民孰非公七年中勞心焦

思經營而定者乎皆實錄也廣州府志刑罰冠能文穎異自科第詞麗句題發

泉湧余聞有自訂文稿若干卷余恂爲之序

余學禮字友周號南溪讀書任俠人有疑難事就之質片言剖決知縣聞其能恒敬

禮之事無大小悉造而訪焉地方利弊他人不敢言者則挺然建議於當事當事

或不即行則傾囊以成之終身不仕時稱南溪處士高陽縣志弟叙功

叙功字函九諸生篤於兄弟亦喜任俠當時曹少宰鑑倫汪侍讀蘧成稱許其高

義云錄高陽縣志

錢鑑字心止別號衡齋幼從父僑寓太倉性明敏豪邁好讀書康熙二十三年舉人

授江南懷遠縣知縣某者貪凡訟者每投狀必責金若干遂以爲例更數縣官不能革民甚病之鑑蒞任即曰朝廷設縣官以親民使民有冤得陳訴也今不問曲直輒先責金非法意即下令革除士民德之然好飲卒以此去官歸鄉後悉以官錢分給宗族以親疏爲等殺不以自私焉初鑑爲諸生知縣盧澤曾從其問俗鑑首以禁革溺女陋俗爲言並請立法有溺女者坐如故殺親屬之律鄰里知而不首者同坐燦從之請於六吏令行禁止全活者甚衆云

據采訪冊載  
應復誤傳錄

徐允璠失其字事母孝雖甚慈母一言即止家素饒允璠性偶儻喜施與貧不能償其債者率焚其券人有急難時質產以濟之如是者數年大亡其財乃遊四方事商賈先是允璠娶妻吳無子吳卒未更娶一日携子金歸嫂氏璠即率家人持以去曰爾無子焉用此允璠曰吾亦將謀娶耳嫂曰娶當反金於是娶於方舉一子璠卒允璠哭之慟曰賜吾子者嫂氏也乃誠子孫曰祭毋忘璠

據懷山園  
沈折西傳錄

曹緯字天士性孝母久病侍疾衣不解帶者幾閱一年康熙十三年之變人有密以

千金寄托者爲之多方歲護越四年事平悉還之咸稱其義

訪采弟統

統佚其字性亦孝友十三年奉父母避亂會霖雨溪水暴漲欲濟無繫統乃鼓奇勇負母渡之母尋病卒於避亂所統經營含殮備極庠庠人以爲難生平持躬謹訪問里少年聚飲或狂飲叫呼統視避去余恂時乞休家居重其學行乃聘爲塾師館宜園者二十年多所造就恂子勉贈詩曰硯北丹鉛橫典籍城南桃李盡門牆杭州黃無傲贈詩曰平陽醇飲宜兄弟鄴下文章邁等倫皆其實錄云

讀城南  
載余

信  
纂

姜廷舉字士雄別號古民康熙四十三年歲貢平生剛方喜任事勇於爲義康熙末年胥吏欲法爲患鄉里廷舉乃條列宿弊於知縣謝汝梅請其禁革汝梅俗吏也袒庇胥吏寢其事廷舉憤甚上書督撫道府慷慨陳詞卒得請一時豪蠹屏竄吏治肅然而汝梅尋亦以事去士民稱快焉

讀電  
傳錄  
亭

余嵩字止中號南村

阮元南  
精軒錄

雍正四年歲貢爲人倜儻不羣藏書頗富而天資敏

異一覽便記工草書筆法峻峭然善自矜貴非至契不能得故流傳較少詩則長

於五言古體云

舊采訪○阮元兩浙緒軒  
詩會錄其五言古體詩

汪映模字師周別號第庵乾隆六年歲貢選桐廬縣訓導桐廬學舍久圯學官賃民舍居之映模乃以己貲構若干椽不請帑修建又曾以數百金捐修學宮諸生贊儀悉不納而訓士矜以盡倫植品爲先諸生中有放蕩不羈者時召而誡之士風爲之整飭年餘以足疾乞歸士子挽留不獲行之日至有涕泣送之者

據桐廬知縣沈金遠

贈序

范芝室字幣元別號東嶠性純篤芝室未生時其父養有義子父卒芝室仍以資產均分之人稱其義乾隆十六年浙東西大旱明年饑大吏檄勸出粟改賑芝室捐貲出力全活頗衆事已奏請獎勵芝室曰獨恤分也不自爲政而受命於人愧已多矣又冒其功不重吾恥乎卒不受

據嘉禾訪錄

徐漳字清源號云渠居縣南山村讀書有志節慕馬少游之爲人不樂仕進家素雄

於貲乃發憤爲善行文廟崩圯漳於乾隆三十一年倡修明年又修泮池靈山南通溫處西達衛州爲縣治孔道自白石山下至扁石嶺數十里地勢卑下向爲泥路三十三年大水幾不能通行漳乃獨力出貲購石於漳安之茶園村築成石路遇溝洫則築橋其逼仄處則從下廣其基使之方軌所費凡數千金又以靈山路通處州行旅苦渴乃建茶亭於途旁置田租入石以爲常費嘗讀史傳見范文正公以義田贈族及其子忠宣助麥連舟之事恆嘖嘖以爲難乃置一義莊名曰景范謂其家塾師余作沛曰此田必歸公顧未得當而作沛尋以舉人銓授廣東惠來縣知縣往復函請皆以庫無以索料爲不盛曰於士子窮困無力應試乃以義莊所收腴田一百畝請於學官與諸士紳明立規條以其入息爲赴省應試士子之補助名曰佐賓與

詳見  
卷四

明季童胤所建龍邱先生祠久圯漳捐貲重建於學宮之旁顏其堂曰懷賢復置田以共祠事所居數里內有古井堙塞者悉爲修浚廟下寺下派溪頭靈山諸處皆置義塚淺埋骸骨俗例買田必增租佃人甚以爲苦